

## 五一劳动节的古诗大全

1.  
一棹春风一叶舟，一纶茧缕一轻钩。花满渚，酒满瓯，万顷波中得自由。  
——李煜《渔父·一棹春风一叶舟》
2.  
交流四水抱城斜，散作千溪遍万家。深处种菱浅种稻，不深不浅种荷花。  
——阮元《吴兴杂诗》
3.  
种豆南山下，草盛豆苗稀。晨兴理荒秽，带月荷锄归。道狭草木长，夕露沾我衣。衣沾不足惜，但使愿无违。  
——陶渊明《归园田居》
4.  
新筑场泥镜面平，家家打稻趁霜晴。笑歌声里轻雷动，一夜连枷响到明。  
——范成大《秋日田园杂兴》
5.  
赤日炎炎似火烧，野田禾稻半枯焦。农夫心内如汤煮，公子王孙把扇摇。  
——施耐庵《赤日炎炎似火烧》
6.  
昼出耘田夜绩麻，村庄儿女各当家。童孙未解供耕织，也傍桑阴学种瓜。  
——范成大《夏日田园杂兴》
7.  
屋上春鸠鸣，村边杏花白。持斧伐远扬，荷锄覘泉脉。归燕识故巢，旧人看新历。临觞忽不御，惆怅远行客。  
——王维《春中田园作》

8.  
十亩之间兮，桑者闲闲兮，行与子还兮。十亩之外兮，桑者泄泄兮，行与子逝兮。——《诗经·十亩之间》
9.  
采菱辛苦废犁锄，血指流丹鬼质枯。无力买田聊种水，近来湖面亦收租。——范成大《四时田园杂兴》
10.  
昼出耘田夜绩麻，村庄儿女各当家。童孙未解供耕织，也傍桑阴学种瓜。——范成大《夏日田园杂兴·其七》
11.  
日暮堂前花蕊娇，争拈小笔上床描。绣成安向春园里，引得黄莺下柳条。——胡令能《咏绣障》
12.  
呼唤携锄至，安排筑圃忙。儿童眠落叶，鸟雀噪斜阳。烟火村声远，林菁野气香。乐哉今岁事，天末稻云黄。——范成大《田舍》
13.  
噫嘻成王，既昭假尔。率时农夫，播厥百谷。骏发尔私，终三十里。亦服尔耕，十千维耦。——《诗经·颂·噫嘻》
14.  
簌簌衣巾落枣花，村南村北响缲车。牛衣古柳卖黄瓜。酒困路长惟欲睡，日高人渴漫思茶。敲门试问野人家。——苏轼《浣溪沙》
15.  
大家齐力劬孱颜，耳听田歌手莫闲。各愿种成千百索，豆萁禾穗满青山。——王禹偁《畚田词·其一》
16.  
白头灶户低草房，六月煎盐烈火旁。走出门前炎日里，偷闲一刻是乘凉

。——吴嘉纪《煎盐绝句》

17.

畚田鼓笛乐熙熙，空有歌声未有词。从此商於为故事，满山皆唱舍人诗。  
。——王禹偁《畚田词·其五》

18.

荷叶罗裙一色裁，芙蓉向脸两边开。乱入池中看不见，闻歌始觉有人来。  
。——王昌龄《采莲曲》

19.

西塞山前白鹭飞，桃花流水鳜鱼肥。青箬笠，绿蓑衣，斜风细雨不须归。  
。——张志和《渔歌子》

20.

种竹年华晚，新添数百竿。低垂非我好，冗长要人删。直节心期露，疏行眼界宽。从兹风月夜，清白足相安。——曹彦约《课园丁洗竹》

21.

垂成穡事苦艰难，忌雨嫌风更怯寒。牋诉天公休掠剩，半赏私债半输官。  
。——范成大《夏日田园杂兴》

22.

米凭转斗接青黄，加一钱多幸已偿。二月新丝五月谷，为谁辛苦为谁忙。  
。——董恂《浔溪棹歌》

23.

绿野堂开占物华，路人指道令公家。令公桃李满天下，何用堂前更种花。  
。——白居易《奉和令公绿野堂种花》

24.

涩滩鸣嘈嘈，两山足猿猱。白波若卷雪，侧足不容舠。渔子与舟人，撑折万张篙。  
。——李白《下泾县陵阳溪至涩滩》

25.

到晓不成梦，思量堪白头。多无百年命，长有万般愁。世路应难尽，营生卒未休。莫言名与利，名利是身仇。——杜牧《不寝》

26.

东皋薄暮望，徙倚欲何依。树树皆秋色，山山唯落晖。牧人驱犊返，猎马带禽归。相顾无相识，长歌怀采薇。——王绩《野望》

27.

尝闻秦地西风雨，为问西风早晚回？白发老农如鹤立，麦场高处望云开。——雍裕之《农家望晴》

28.

北山种了种南山，相互力耕岂有偏。愿得人间皆似我，也应四海少荒田。——王禹偁《畲田调·其四》

29.

二月卖新丝，五月糞新谷。医得眼前疮，剜却心头肉。我愿君王心，化作光明烛。不照绮罗筵，只照逃亡屋。——聂夷中《伤田家》

30.

故人栖东山，自爱丘壑美。青春卧空林，白日犹不起。松风清襟袖，石潭洗心耳。羡君无纷喧，高枕碧霞里。——李白《题元丹丘山居》

31.

父老争言雨水匀，眉头不似去年颦。殷勤谢却甑中尘。啼鸟有时能劝客，小桃无赖已撩人。梨花也作白头新。——辛弃疾《浣溪沙·其三》

32.

土膏欲动雨频催，万草千花一饷开；舍后荒畦犹绿秀，邻家鞭笋过墙来。——范成大《春日田园杂兴》

33.

鸡鸣人当行，犬鸣人当归。秋来公事急，出处不待时。昨夜三尺雨，灶

下已生泥。人言田家乐，尔苦人得知。——陈师道《田家》

本文链接：<https://duanjuziku.com/duanjuzi/0q78wmwlwy.html>